

sic Lullius hunc gladium igneum, acutam lanceam vocat multis in locis; Quia ignis, ut lancea seu gladius acutus perforat corpora eaque porosa & pervia reddit, ut aqua penetrare possit ad solvendum ea & à duritate ad molleitatem tractabilitatemque reducendum. In stomacho corvi marini, qui avium omnium est voracissimus, inveniuntur longi & teretes vermes vivi, qui illi sunt quasi instrumentum caloris, dum anguillas ab ipso captas, piscésque è vestigio invadunt & tanquam acutissimæ acus perforant (ut ipsi aliquando observavimus) & ita absunt brevissimo tempore, mira naturæ operatione. Calor itaque ut pungit, sic pungens aliquando caloris vices gerit. Unde non immerito igneus gladius dici poterit quo ovinum philosophorum stringendum seu plectendum erit. Verum Philosophi potius de temperato calore id intelligi volunt, quo ovinum fovetur, ut Morfoleus in turba declarat dum inquit. Oportet, sapientes viri, lento igne primum humiditatem comburi, ut exemplo nobis monstratur in generatione pulli, & ubi augmentatur ignis, vas undique obturetur, ne corpus aeris & spiritus ejus fugiens extrahatur. At cuius avis ovum est? Moscus ibidem; Ego autem dico, inquit, quod nulla instrumenta fiunt, nisi ex nostro pulvere albo, stellato, splendido & ex lapide candido, è quo pulvere apta fiunt instrumenta pro ovo; non tamen nominaverunt ovinum, vel cuius avis ovum sit.

§ iii Schlief